

四庫全書

集部

欽定四庫全書

集部

宋百家詩存卷十九

詳校官監察御史_臣孫家賢

主事銜_臣徐以坤覆勘

總校官庶吉士_臣汪倉聖脉

校對官中書_臣葉蘭

謄錄監生_臣馮蓋

欽定四庫全書

宋百家詩存卷十九

嘉善曹庭棟編

樂軒集

陳藻字元潔福清人從學林網山為及門高弟僑居
橫塘家貧受徒以自給嘗云造物者之誨人亦無他
術貧之者其一爾彼其富之者乃其不屑教之者也
生平備歷艱阨處之夷然扁所居曰樂軒可以見其

志矣卒年七十有五劉後邨從竹溪林肅翁傳鈔遺藁叙述節概以弁其端肅翁又藻之高弟也

寄劉九

一生閉門不結交黃緣遇我如同胞年年客裏故人多
飲水逢君朱顏酡鵲去鳩來有空屋牝乳雛飛無啄粟
香火飄零甘死休無辜憐我兄遭戮暗中魑魅籍姓名
我有朋儔等不足十事上心九事忘一日回首千日長
誰登百丈嶺我到鍾山傍登堂拜邱嫂攜手戲諸郎諸

郎挽衣幼女親汝母磊落如吾人哀我若見韓氏孤敬
我寧知蘇子貧吁嗟尺布謠空道天屬真

寄劉八

六度封書向小孤一度逢人寄詩無劉郎瞋我無短吟
素書百紙難論心我愛劉郎可無詩劉郎愛客還答兒
我為父執倍其年見我呼兄挾渠賢撥棄勿復陳對君
吟此身憶昔在桂堂瘧鬼罹我殃世情疎客病移我君
家牀兒女不辭勞僕妾何憚忙秋風黃葉飛明燈藥爐

傍我身何日殞此念何時忘
卹嫠晚歲歸敬我如小郎
他年山下結吾廬朝暮往來摩
白鬚我抱子君抱孫卻
使相叙為弟昆

丹井懷叔達

喜稱吾子賦羞道少年時
別去休論易愁來欲寄詩
夕陽書不到殘月夢相隨
晚歲傷心事松嶺獨語誰

題劉氏翠微亭

舊屋紅蕖外新亭綠樹傍
江晴孤擢見雨近衆山藏
學

圃未成趣催詩何太忙他年多摘袖此地一瀟湘

寓居

到處情親即寓居從他相狎又相疎年衰骨肉多埋土
身賤交朋少寄書萬象去來無了日一元開闔不關渠
逢人問我今何在寥落空山誦子虛

虎丘

竹瘦門逾靜樓高山太低白煙青樹走細雨大江迷野
水東西渡園蔬上下畦僧無城市去巖有鬼神棲

山中有感

每看風月非人世
錯認江山是畫圖
誰解吟詩追李杜
何須涉海訪蓬壺

紫瑞香

無數枝頭簇簇葩
大枝直上細枝斜
商量開盡商量落
全要前花見後花

貧婦行

故人身死妻貧病
買藥無錢留性命
半簞赤飯一盂蔬

對不能殮雙淚迸阿官賣田妾未歸稅在夫家田賣誰
鄉胥改割全隱匿妾典衣裳空被追零落生涯種片園
朝朝夜夜盜開門鄰翁苦妾妾租客客也無輸叫妾論
那更雙棺四缶灰伐山博米圖葬埋嗚呼豪彊欺妾奪
山去不許鹽丁然妾柴十歲孤兒出縣庭空手攜狀投
香冥黃堂走罷走使輯文書送縣已三月依舊含冤說
我聽

西窓晚眺

兩年無事坐窓閒數盡西邊不老山
薄暮忽迷雲與樹
驚來乍見別峰巒

海口吟

按圖自古無人到二百年來戶口添
架屋上山成市井
張官近海課魚鹽估客趁潮撐米入
漁人忍凍采蠔黏
仲尼有廟塵誰掃寺觀崢嶸香火巖

和林子望

勸君莫要歎無官幸有田園在故山
滿室清風滿林月

人生何事勝於閑

雲庵覓詩

百級危階上翠巒四邊山色自低環
海鄉無限蕭條景收到樓前是美觀

次子望肯堂之什

酒尊開處是陽春有屋休論舊與新
才子綠袍能賦詠乃翁青冢亦精神
人心多向醒時偽情話無如醉後真
莫要孟光同遜去急須榮祿奉偏親

陳叔盟兩惠詩以一首酬之

休要逢人誦六經紅泉往事已雕零
向來未壞恭王壁到處閒搖普化鈴
幾歲寒窓頭也白兩篇新什眼空青
還鄉舊識多農賈那得柴門自掩扃

送年

一味清貧好送年堪嗟柴炭買無錢
生涯幸與干戈遠不管天明聽雨眠

秋雨

蚤禾收罷晚禾青再插秧開滿眼成誰道秋風專肅殺
依然四月雨中行

贈叔嘉叔平劉丈

并序

士多貧者試後皇皇誰得失蓋其衣食在科
舉爾叔嘉叔平揮染而歸理生自若衆所健
羨贈以古風一首

木槽壓油三石餘半為燈火半煮蔬上山伐柴五千束
九分賣錢一燒肉等閑八月舉場歸蚤禾困畢晚禾輝

道行願見國人肥高才久屈當奮飛萬一主司仍見遺
課奴種麥家相宜老夫借屋蓄妻兒寂寥慣便亦何悲

丘德基七十

斯翁千歲也何愁七十真堪賀禮修多少人間貧病客
不貪天地久相留

建劔風土

瞰水比連閣開山上下廬四時簞有筍兩岸鱖多魚白
芋男抽剝新絲女卷舒吾曹嗟跋涉不合蚤看書

除夜過延平書所見

東家兒婦試新衣西家殘織方下機東家宰牲嫵不肥
西家呼兒去採薇欲掩不掩留半扉等彼良人心依依
小兒出門看落暉平章去時霜未晞須臾忽見扁舟飛
雙槳擣破清漣漪抖擻裙兒牽兒上釣磯手掩蓬鬢漸
覺面生輝遽呼良人何來遲稅苗那管中限違且買豚
肩連夜歸

擬別為浙江之行

兩浙黃緣未聊窮福建回雪鹽晞黑土朱李細黃梅男
子皆彊闢邛姑亦嬾顯在家無活計此路欠芒鞋

歸入古田界作

步步谿山勝橋亭建劔風土宜鮮荔子邛塢暗油桐南
店炊初滑西舟石漸窮豈知旬日外便訪去時蹤

夜宿延平水東

浮橋暫拆阻狂瀾嬾問津船趁往還雙劔廟前沽酒喫
水西燈火水東看

蚤下蓬嶺

煙雲深裏日攀躋
嶺上宵眠雨電低
清曉攜筇遵下路
高峰對面與胸齊

看潮

何處飛來白鷺多
潮頭已減數分波
西旋衝卻東流散
陣陣將軍引戰過

鄭簿約飲不赴以詩謝之

浪遊人到北佳節
日窮南多謝棲鸞
意相期泛蟻酣桃

源迷去路玉塵失清譚寄語鄭莊驛難逃負約慙

讀李翰林詩

杜陵尊酒罕相逢舉世誰堪入此公莫怪篇篇吟婦女
別無人物與形容

冬至寄行甫騰叔

江浙羈棲怕雪霜蚤年聽得晚年嘗生涯敗意多諳歷
節序隨緣少感傷鴨肉餛飩看土俗糯丸麻汁阻家鄉
二千里外尋君話今日那堪各一方

平江臘月廿五夜作

昨夜宰猪家祭竈今宵洗豆俗為糜燔柴夾水明如晝
截竹當階爆禦魘故國賽還新歲願老翁回憶幼年時
才高命薄天相戲我亦剛腸不肖悲

寄叔廣

君在於潛未語歸姑蘇我到事多違母衰妹弱那能幹
婦拙兒頑孰可依海近一天風漠漠朔寒兩地雪霏霏
行裝稍辦還家急年少應須慕虎閨

快活

客舍寒窓月色明
紙衾展罷睡縱橫
傍人正是無聊景
怪我狂呼快活聲

丘叔喬八十

樂欲永千年愁難禁一夕
大家於此且貪生
八十孩兒題向額
今朝門下慶相符
座有繡衣為上客
況乎兩弟古稀餘
左酬右勸皆精力
阿婆纔小三五秋
卜婚日者神無敵
燈火鼇山弧矢晨
姓名往往登仙籍
借問人間

見幾多答云造化慳斯席

與景晦

鄉閭好事喜人傳
聞說當初賦斷弦
得暇灌花花造化
有方種藥藥神仙
忽看脚下相隨處
又是人間別樣天
數畝南園誰更管
任他荒草欲平肩

賀劉叔猷為用甫納婦

生年小我一全千
十五字問揚雄難
納幣孟冬猶牝角
記得迎長方祀冠
倒指新春五十七
先春女嫁男婚畢

采真園裏東風回，主公無事花添色。
少貧嗟我老更貧，塵累何時是了人。
況且郎君賦語神，使我見兒祇欲瞋。

百丈書懷寄丘子深

離騷休唱逐臣愁，此曲思君可寄不。
百歲都來如過客，一生大半似幽囚。
那堪泣玉寧懷寶，剛道雕蟲謬飯牛。
山館無聊春睡美，日高丈五正蒙頭。

誦中庸

端把中庸誦一篇，眼前神物頓森然。
塵埃埽盡無他慮，

儘管高樓自在眠

城山

雲霧成佳景
天明又幾回
忽攜詩句入
別放畫圖開
遠樹沈如立
行歌去似來
小船衝雨過
高柳接湖栽
月自孤青月
臺呼怪石
臺故園無
夢想近擬
築巖隈

梅

野水橋邊幾樹梅
歲寒款款向人開
精神別帶陽春到
造化勻分臘月來
滿眼松筠皆臭味
一天霜雪是胚胎

看花遠地身還老買屋何年手自栽

虎谿

四圍山木合百磴屋簷重古穴成幽井疎林散曉峰響
泉那更月啼鳥此無冬臺上朝朝看天邊處處供

紀夢

自從弱冠為遊子玉融丹井壺山市哦詩不用著工夫
已謫牂牁四千里柳侯未五十羅池作刺史翰苑失詞
華蛟龍怨泥滓我今四十貧無官六合飄零到融水來

時三宿柳城邨再拜前賢我如此才卑何怨嗟且述西
征始奔走豈我心跼步思桑梓江右湖湘抵桂林青山
爭獻雙眸美青山縱好興不生萬斛羈愁懷抱裏夜長
正好夢征夫何蚤起合眼見故鄉開眼知行李交朋無
恨別親戚常孔邇天明同登途薄暮共棲止一更春酒
熟街頭逢伯氏二更桑麻園仲氏談生理三更四更平
時往還人見我蚤歸呼我喜五更茅店寒鄰鷄振吾耳
忽驚身在竹牀眠雨外七閩何處是雙淚汪汪霑布被

過新喻

四顧茫茫水接天
遠山如臥白雲邊
馬頭忽看孤峰起
錯喜鄉關是目前

題清暉樓

茲樓名郡郭何處
別林泉一水遙
通蜀千崖利插天
鷗鷺晴舞雪桑柘月生煙
欲醉囊羞澀愁看度兩年

題融州城樓

除卻譙樓環解舍
蕭條市井客懷悲
高高下下山無數

淺淺深深潮有時
大布紅裙搖女著
半規白扇野人持
城中昨夜亡羊豕
聞得誰家虎入籬

秋雨

梅花五鼓城頭角
吹向愁人枕前落
一聲心膽碎無餘
三聲兩聲那更作
天明起坐壁為鄰
簷外垂垂秋雨脚
雨脚彊鬚毛弱若
為一滴白幾莖縱
使赤松猶老卻

冬日

冬日何曾短
寒更有許長
紅爐那作伴
白髮蚤還鄉
舊

酒誰賒飲新詩自寫藏故人思不見獨遶野梅香

春日

獨上譙樓日一迴春風桃李滿城開
狂夫欲語無人聽呼取閑雲共酒杯

東寧初夏得叔達書自都下來言去秋與鄉薦
尋聞下第想就試上庠賦詩寄之

天涯無伴只思渠知在杭州在故廬
閔嶺秋空翔一鷄融江夏日煮雙魚
合看髻亂登科去卻有髭鬚落第初

太學好還元祐體松嶠莫便賦歸與

融州東樓

燈火無蠻市江山遶暗城
漁舟關拆響野燒日頭生
雨濶千邨暝天高一月行
夜樓多好景都不礙陰晴

別融州

兩年為客憶鄉關
尊酒何時別此閒
今日移舟出城市
多情卻戀眼中山

寄吳提幹

不見河南二十年若為再拜畫堂前來尋丹桂瓜期滿
歸訪蒼梧蓮幕遷幸對夫人如母在喜看令子似公賢
府僚共約黃花去業已還鄉種薄田

別王司法

維舟江岸偶相鄰還與吾翁是故人顏貌不知今日改
姓名方記舊時親少年壯筆生應貴白髮青衫今尚貧
一笑羊城聊適意明朝話別兩酸辛

題靜江

桂林多洞府疑是館羣仙四野皆平地千峰直上天

過象州

都無一物作生涯坊巷蕭條有幾家料得寒梅應悵恨
滿城開作寂寥花

訟田行

樂軒世俗文不工場屋此生難遭逢百年餓死真可惜
人命只在田畝中遠行直到西融州客裝收拾來歸休
江灘象窟百無憂卻陷人心危險頭海上曾踞本亭戶

日在公門騁詞訴下鄉老嫗何大孃小郎遺業孤女當
主婚老嫗貪聘資將女嫁與曾琚兒女將三十年及格
依法賣田何所疑樂軒信已因信人豈識兩家俱不仁
曾琚文約只要錢錢被何偷反訟田牙緋縣宰坐縣庭
官是堂除豈不精老胥代判為縱橫知縣依書那得平
卻監媒人宋五九備錢還我錢何有提點八州刑獄使
重念八州冤曲事許人越訴勝通衢有狀不禁攔輶車
輶車曉出平旦歸千人百人周四圍車中呼入使者笑

觀感人多涕霑衣笑者笑何意吾不聰明渠不至感者
泣何為赴愬容易殊曩時文書山積難稽考胥吏依前
顏色好樂軒辭說如直弦外臺判下不改前州府監錢
何嫗還吏人掌客生艱難因循六十日公事無了畢胥
徒去復來索酒需財食樂軒一片杞菊懷遂令奔走生
塵埃春雨吹散春風回奇花異卉相迎開百千阿堵何
足道嗚呼何媪豈人哉叱散胥徒吾不取抱琴橫膝眠
空齋

愁夢

天作閒愁催我老
夜長猶自怕天明
日中料想先成夢
白上髭鬚數十莖

久為塵事關懷因成一絕

讀書得趣是神仙
未若神仙斷火煙
解把老夫埋俗窟
時多不放上青天

戲簡宏仲劉九丈

明月無長好
晴空有晦時
君家那與我
頭白似新知

姚晉甫溪閣行

南院觀溪心已清
縈紆更上閣中行
西窓車馬市橋橫
東窓遠山霞霧生
日斜沙石淺可數
半夜轟雷驅猛雨
農圃嘈嘈春水多
誰得身閑延客歌
醉後下堦齊拍手
長株矮樹排花柳
主人更要雙眸寬
去年拄杖尋長安
一行一處狂呼去
日日芳園大如許
買地此多直幾金
千屏萬障為牆堵
西湖覽畢歸興忙
川無大小人徜徉
清風明月浙江有
酒廬魚賤輸吾鄉

冬日贈宏仲

愛君方始卜鄰居君又移家二里餘日裏若無時刻到
人情便覺往來疎風霜今歲攜杯幾准浙明年解纜初
兄嫂恩多因怨我語言雖惡敢瞋渠

東林春晚作

團圞四面山我住一山裏相距能幾何開方祇百里日
月出東西星辰運終始雲霞千萬狀煙雨無窮美誰云
天體大仰看全於此窮儒治生計富盛誰與擬新晴麻

麥秀擁戴峰巒起牡丹芍藥歌春意濃未已
野花恣力開白者真珠比薔薇及寶相爭鬪
何綺靡藩籬成障幕邨墟化城市世上豈寂寥
如何昧斯旨美渠開欲來黃菊日可指寒梅即
艮卦為魁向年底循環無了日物物從頭理
康寧不相放臥病爾為爾

劉驥子初冠勉以詩

汝爺十五初裹頭挂堂讀書從吾遊汝今裹頭恰十五
兩載東林就規矩我身只是前時命汝家歲久無衰盛

族人快活羨汝爺汝又勝爺好情性瑩澈溫柔好性情
更須奮筆趨前程苦思入神方得句才如諸舅豈無甥

題林仲雨皦日庵

詩仙庵未作與我話庵名素髮來為客朱夢始落成變
風情性語皦日死生盟君老身猶健雌埋一劍橫

用余子畏韻其詩有警句云君知瓦礫真成道
便覺珠璣不屬君

少長城闌老一邨平生好語不曾聞百年馬鬣空埋我

三載鰲頭更祝君幸有鄰僧分隙地豈無座主識雄文
須臾忍死攜筇立更看崢嶸足躡雲

除夕

歲晚民貧百物賸無錢堪買亦何嬾聊將送酒呼鄰客
淺飲三杯不用添

叔清留飲座上感懷

十夜不相見一見又如初兄弟無人在交朋卻我餘矢
弧皆後挂銘旒競先書有酒堪留客悲懷且埽除

和林君作起叔梅詩韻

林逋後後幾星霜苦要吟梅弄燭光
兩處湖光看共色一家詩句嗅同香
花開再約談元白鴛老那能逐乘黃
又恐來冬隨計吏仙霞不管似羊腸

宿清暉

禪家自古分人境心地明時鏡始明
榕枿交陰牆內外卉花散采路縱橫
筵臺勾引江山入鑿沼因緣頻藕清
好是炎天亭上宿便為淨土國中生

次韻林君則惠詩

湖水當門四面山旁羅書史坐中間他人共我何曾有
造物於君本不慳況是蚤教緣累少便知晚與歲時閑
餘糧換得鮮魚煮大勝簞瓢陋巷顏

辛巳歲暮宴陸甥子由家

吾妹嫁時狼狽甚幸皆存活得年深有男買屋棲遲喜
見舅開尊爛漫斟歲值凶荒多餓死我慚溫飽更酣吟
還鄉日少生難保敢覲今番一話心

謝九峰升坐相留

重陽七日月當圓高坐禪師祝萬年夢裏五更聞齒錄
凡夫有罪是貪眠

歸愚集

葛立方字常之江陰人謚文康勝仲之子謚文定邨
之父也天資高邁博覽諸子百家言詩文信筆申寫
不加持擇與弟立象妹壻章道祖同登紹興戊午進
士累官吏部侍郎因忤時相罷去自號歸愚居士集

堂三楹扁曰餘慶優游以終老焉經籍志載歸愚集
二十卷今所存詩文共十卷僅得其半耳又著有韻
語陽秋二十卷傳於世

避地傷春

一年春事又闌珊可惜芳菲愁裏看慎勿掃花供喂馬
惱人秀色自堪餐

洛陽宮闕半成灰草草花枝賤淚開國色天香消息斷
妝臺誰奉紫金杯

枯藤六尺步長阡客裏韶光絕可憐好著春風重試火
西陽三日突無煙

菖葉青青杏蕊新牛耕白水一犁勻倩裙窺愛疎籬晚
不是沈香倚太真

和盧叔才食蛹

綠柘林中聽晚繅聞將煮蛹當持螯何須有繭大如甕
救得妻兒啼與號

開箔團團雪滿牀桃漿灑盡煮蘭湯微軀分合葬君腹

報答君家三畝桑

天寶

凝碧池頭絃管聲
秋槐落葉若為情
王維空咏朝天句
誰似當年雷海青

翠輦重登勤政樓
桃紅依舊唱涼州
但知玉笛傳佳曲
不記鈴聲動客愁

綵繚黃裙墮遊水
闌斑錦襪委嵬山
臂環留得知何用
羞殺新豐謝阿蠻

攜家避地

菟裘真可老飄寓失初心去去家山遠行行澤國深
光陰三翼過情緒二毛侵何日干戈定鷗盟得再尋

沿檄省親復還書呈叔能同官

雲閒雲水往來航風雨幾番騰客裝子職廢供一旬劣
官事不了三春彊去時園花初放白歸日江梅如許黃
少復須之又西指薰風一舸在迴塘

鹽倉作呈叔能同官

平生嬾作子公書，俛首銓曹一紀餘。
第有神馳招隱館，久無夢到承明廬。
文字真宜覆瓿，技能只合服鹽車。
清才弗悟亦塵役，蚤晚促君登石渠。

次韻陳文仲

小園邈在古城陰，為愛寒葩杖履尋。
卻笑含章擔下客，對花熟睡亦何心。

低枝垂蕊逗疎陰，不學髯龍幹百尋。
此去江南知幾驛，只今誰動故人心。

大人遊千金訪張仲宗以守舍不得侍行用仲宗韻

古寺依煙艇一篙春水深石壇幡轉影玉殿磬流音客有張公子僧皆支道林行行雲水窟幽夢渺難尋

聞道千金好幽人已奠居森森松遶寺瀾瀾水循渠旅泊未妨酒長飢尤著書謫仙詩酒地今尚指匡廬

和叔才餉酒

百事不挂眼一尊難暫忘伴來頌酒聖客至引杯長桑

落開新甕崑崙接舊觴鵝兒黃液重象鼻碧甯香銀海
俄增量金罍可配漿蟻浮甘斂灑石飲見溫良世事紛
忘去詩情合得嘗醉來庭宇眩醒後竹陰涼釀鄙平原
縣鄰防吏部郎糟邱誠可老不用爾穀將

次韻仲平病間齋祠

居士彈一指森羅萬象皆聊須三味酒不奉八關齋雨
罷簾初卷山迎榻自排蕭然忘世慮心境兩相諧

次韻林梅卿吏部遊河

竟日關心朱墨間西湖好在且偷閒
光凌萬頃搖銀海興愜千鍾倒玉山
未辦采毫書側理只愁赤壁下烏蠻
客兒忽墮池塘句格律都高漢以還

次韻洪慶善同飲道祖家賞梅

未上風光驚老眼斬新香韻惱騷人
霜清日澹虛庭裏玉骨幽貞不嫁春

寒葩脈脈畫堂新同是巡檐索笑人
獨把幽姿伴冰雪舒花結蕊不關春

立盡黃昏賞玉肌月華無語上疎枝絕憐睡熟含章畔
無限花飛總不知

遊衢州烏巨山乾明寺

烏巨山前譚寔諦江郎崑畔逗真機白虹示滅知何處
去采山桃又不歸

送李元孟赴河南漕屬

君忽湘潭去斜陽催馬銜將毋添白髮正坐此青衫暑
雨驅魚婢薰風入鸞帆南來衡岳鴈引領望書函

次韻劉卿仕飲散感秋之作

雲子登場賽鼓歡
邨南邨北盡黃冠
幾聲乾葉下碧甃
數尺瘦山浮畫欄
水拍野橋漁網挂
月懸煙浦鵲枝寒
新秋愁絕他鄉客
衣帶年來如沈寬

華堂不料著野客
菲履底同章甫冠
鷗外翠光清醉眼
尊前爽氣動危欄
霜沈紫葍玉奩潤
風脫丹林煙鬢寒
百榼香醪消萬斛
酒中跌宕賴君寬

小酌以詩招道祖分茶

寶胯開細葉香塵墮
拓羅湯鳴檐雨細
盞占隴雲多連
日伊蒲塞今朝
熱洛河春風入詩腹
五字與君哦

九日慶善示詩次韻

眼前逢九日習氣自多生
官冷有閑趣花開無世情
元
囂何許是素滌第存名
百歲風狂似東籬且掇英

和道祖韻

未落天狼未止戈
誰能頻擊唾壺歌
奕碁聊欲消憂爾
飲酒無如作病何
孫邵那憂卿太少
退之莫歎日無多

菟裘已向菁山卜從此棲遲到髮皓

大人築室將畢道祖亦作宅基治園作詩示祖

道

習隱肯回駕求榮難著鞭有心營綠野無夢到凌煙
簾花開裏檐楹鴈落邊冰清仍玉潤共此一山川

兩第屹相向幽園卑辟疆君方林上塢我亦治橫洋
鑿翠闢窓戶入天棲棟梁東屯寒月夜老杜只茅堂

世事只如許幽居誠樂哉報安知楚竹索笑得江梅岸

放平湖入窓邀遠岫來兩家車馬地莫遣染蒼苔

風起

炎蒸困鉗鈇虎嘯漏天機樹杪忽垂髻榴邊今污衣草
鳴溪水立帆飽客船飛更設琉璃簾茶瓜話落暉

胡樞橫山堂

雲夢胸中吞八九了無官事苦相關廟堂曾引五星纓
嵩壑今疏八節灘鳥織白雲機杼濶溪喧蒼石杵碓寒
東山難戀山中相梅子枝頭正著酸

朱霞碧瓦市廛遠遶舍泉啼山復橫
朦朧處爭長渾僕妾亂來有此幾
公卿已公茅屋實父子裴氏午橋
真弟兄竟日倚欄天外眼世間軒
冕一毫輕

春過木濃山轉翠旱餘湍減石添
痕主人正自笏拄頰客子底容裙
撇門好鳥傍人窺野核亂雲釋嶠
落芳尊真成命駕輕千里李杜文
章得細論

天然平遠染百幅泚筆底須東絹
傳窓戶吐吞新日月風煙出沒舊
山川白公築室地三十揚子草玄
文五千

筋力尚堪驅使在異時重泛白蘋船

疎慵

閒處著疎慵鮮鮮幽桂叢讀書聊竈北避世且牆東市
駿卑蘇代求徵謝子公丹心阻閭闔欲付小心風

題臥屏花

姚黃

抗旌汾浦根移白豎箔藍關花染紅欲識龍媒空萬馬
宮袍黃挾御爐風

榴花

琴軫含房風未吹
盈盈脈脈度炎暉
怪來一夜丹鬚折
杯酒新翻阿醋衣

山茶

十月幽園鬪曉風
層層絳蕊艷芳叢
江南只慣收鷹爪
誰顧山前鶴頂紅

海棠

濯錦江邊雨露勻
杜鵑啼血染香綰
自緣佳處詩難貌

不是無花開杜陵

桃花

細看裂錦又蒸霞黃師塔前江上花折得一枝明老眼
與兒洗面作容華

白菊

天上新裁琪樹枝
抱雲帶月下瑤池
須知正自真仙種
不是金鈿未染時

不飲

蒲團杖藜屋三間世故真成觸與蠻獨有雲山供送目
儻無尊酒亦開顏吳宮雪紵鶴翎散歷社風荷象鼻彎
老子何曾持入夢百年鼎鼎鬚毛斑

十一月十日酒散已二鼓與千里步月因至水
堂

雪後泥方凍酒闌寒少威傍雲生夜月喚客出柴扉籬
敗犬聲合街閑人影稀石欄山幾尺暝靄只依依

夢入千家枕寒聲薄水堂溪山渾著月梅竹半封霜夜

勝響葭浦寒魚跳石塘可憐清絕景夜夜屬漁郎

聞歌

初唱城闌鴈影寒玉喉竊窸韁雲簪小叢底處傳歌樣
供奉梨園人姓南

月明如鏡酒如空響谷清聲出晚宮怪得中庭紅葉墮
琉璃帳底唱迴風

操葉舟凌巨浪訪道祖

一牛鳴處是君家乘興煙篷簇浪花銀浦流雲新得路

人驚仙客在浮查

春日野飲

是日間東
朝入界

十載干戈僅脫身
殘年重作太平民
杯鎗有趣於中好
花柳無情分外春
不遠上元新甲子
肯將短筆怨庚寅
從教蕙帳驚猿鶴
卻欲重彈冠上塵

次韻陳廷藻戶部西湖快目堂之集

冰壺影裏絕朋從
三雅同傾共一中
相與文楸看飛電
不須舞袖覓驚鴻
雲邊鳥道古來奇
煙際漁舟何處翁

竟日追歡難卜夜只緣身在省牆東

次韻周少隱梅花

化工巧綴一枝斜點玉凝酥碎疊紗待得春來開滿樹
何如忍凍兩三花

冬至後雪

客寐失通宵寒聲動次寥雲容頽玉宇雪陣攪層霄點
點楷灰落亭亭柳絮飄文窓斜入紙老樹巧裝條墮嶺
篩寒髻凌波灑碧綃風狂初索索雨細漸瀟瀟入酒應

愁凍當爐覺易消
蕭森聲勢密飄瞥
路岐遙蓑冷翁仍
釣山迷客罷樵
栽紉鋪縞素修月
屑琨瑤市小瓊樓
合時和玉燭調三
章歌睿制五板賀
寒朝吠犬驚南嶺
騎驢憶灞橋終南
憂壓腦少室銜齊
腰嗟我星霜老經
時鬢髮凋摘蔬和
凍煮收葉帶蘇燒
路滑難求馬衣單
悔貫貂煖寒誰埽
徑莫問紫金蕉

次韻陳元述見寄謝茶

露窠那畏主林神
小摘筠籃手自親
旋轉注湯雲作脚

續紛出磨麴為塵睡魔已戰三竿日詩社聊嘗一信春
不把膏油塗首面要須色裏認天真

章氏園小集荷池上

一金營雅集荷溼露香濃鳥起驚歌扇雲移落酒鍾碧
筍彎象鼻翠釜出駝峰百歲狂風似無因繫六龍

鉗釵困殘暑杯鐺方興濃歌舞趁晨版歡呼從暮鍾風
聲回立鵲雲影墮奇峰行酒有佳麗未須煩八龍

次韻伯父工部見慶塵忝之什

江夏無雙舊姓黃末科容我出寒鄉人間學子垂垂老
天上丹枝恰恰芳避地本安元結洞擁書猶記贊公房
某嘗於鹿苑寺
宣公房肄業 豈知今世持衡者不聽更籌聽織芒

送伴回至平江舟中與元覽試茶

壑源春色起雲阿拂拂輕塵動柘羅騎火已驚官焙蚤
注湯還關乳花多清風兩腋添詩興紅日三竿戰睡魔
燕頤未能飛食肉腹中藜覓且摩挲

園中新疊假山

萬花爭放辟疆園九仞功成對竹軒
鰲負崇基凌象緯
虎蹲深逕列兒孫
欄雕結珠籠芳砌
樹翦琉璃破綠痕
水遞畦丁飛瀑墮
煙吹童子亂雲屯
日晞絕頂金莖露
雨漲虛坳玉女盆
只欠五城樓十二
便應人指是崑崙
已卯歲四月二十七日自湖州赴宜春郡餘杭
出陸至富陽

發動出江津
晴薰綠野勻
泉聲漱沙石
嵐翠溼衣巾
天近雲衢馬林深
鳥喚人將身
入圖畫
誰復羨麒麟

觀插秧

秧把插東畦東畦翠蜀齊甘心鶴俛啄不用馬行泥井
井塍千曲決決水半犁黃雲他日事歡喜舞齒覲

桐廬牛嶺

輿曳入崔嵬連天霧不開驚波掀過雨細路滑蒼苔瞰
下憂魚葬凌高被鳥猜垂堂千古戒底急為名來

入壽昌縣界

一躡壽昌境山深溪水蒼編柴作籬落囊石當橋梁野

店蚊煙接官途松吹長石田能幾稜底用穀人忙

晚泊

晚泊牛羊已下來清泉為我洗塵埃解顏客裏無卮酒
壁上尋詩笑幾回

過九坡

在臨江
軍道中

行盡千山與萬山鍾情偏在此煙嵐海波神闕今饒六
仙女巫峯尚欠三雨潤蒙條生翠滴雲封疊穎瑩脂涵
卻思九坂修梁第空使斯民命不堪

贈褚明遠

今歲難衣食知聞莫若君衣裳顛紫鳳隴畝槁黃雲主
饋婦求去承家子出分清才豈長窶奇相有龜文

罷職還家漢卿叔賜詩和韻

爇火誰能補大明漫陪朝請趁晨興雖叨荷橐簪纓舊
頗愧銓衡水鏡澄夜帳歸來驚怨鶴曉窓穴處縱癡蠅
自知浮食辜君賜卻擬扶犁換斗升

蒙才孺伯惠詩頗及參問

鶴氅蒲團養粹和冥心十地六波羅官情微似菴摩勒
佛行高於窣堵坡海裏泥牛端解笑庵前石鏡不須磨
擬詢一句石頭語只恐新羅燕子過

丐祠將離雲間崔申之以詩為別次韻

荆蘭戲采關情切朱墨為官與願違夜鶴帳空周子去
秋鱸風動季鷹歸忍看妙句金聲振行阻清譚玉屑飛
引嶺吳興何許是碧雲深處暮山微

不寐

年來百念如灰冷何物關心攪睡眠莫枕不容安丙夜
乘輶端復數丁年曲中誰辨勦勦趣夢裏難成栩栩然
只恐睡蛇鉤已盡髦鬣難到曲屏邊

旅次

山行确犖趁雲程食寢無多但有名作夢將成雞喚起
加餐未竟馬催行鼓風飛塙渾無際敲日吹炎似有聲
埃息火流知不晚依然六幕自澄清

綴景亭

以下五詩為章道
祖作頗及葛藤

煙溪雲嶽映朱扉聲色叢中入定時十萬丈夫森鐵甲
三千宮女醉瑤池累累珠帳露滋顆點點金衣霜著枝
心境消融無一物景從何處綴為誰

踊山閣

橫空複閣面嵯峨影墮前溪瑟瑟波九坂端疑築梁第
二山應恐負夸娥凌雲北固俗塵遠采菊東籬真意多
欲識祖師端的意此間萬象正森羅

滄浪亭

滄浪亭下水連溪影倒虛檐鳳翅齊白小牽風動晨鏡
碧圓著雨響秋聲魚舟點點依蘋渚鴈齒依依跨柳隄
舊日滄浪元不變何妨居士為金提

華藏菴

鮮健龐翁今罷參拄杖挂壁雲迷庵開花聊幻仙七七
逗機更說禪三三未辦浮邱招挹袖且邀彌勒與同龕
庵中認得華嚴界何用宗風譚北南

錦薰閣

窈窕軒窓小閣深種花卜得半晴陰眼根忽墮錦繡谷
鼻觀如遊薝蔔林莫問花枝有開落須知法性勿來今
色香塵裏回光照只者凡心是佛心

響應山

一派寒灘度白雲幾重危磴遠紅塵奇強煙合松筠古
紺殿香浮棟宇新玉響碧潭鳴地籟瀑垂蒼嶺挂天紳
潛虬未用升雲去乞取晴天卑散人

金燈花


小園金燈滿意芳苞舒絳采照煌煌璣珠小滴今朝雨
縞紵難禁昨夜霜拂秉麟鬚蛾欲避枝銜螭口蠟猶香
列錢都是銀缸影莫遣狂風出土囊

春日移舟章園

冰壺徹骨無纖塵新來結屋苔溪濱傾銀注瓦甃泥飲
披錦裂繡天行春沙平印篆烏浴羽浪暖破綃魚躍鱗
一邱一壑志願畢肯待人招祁孔賓

腰懸六印不用求勝處引人著滄洲波平草軟鷗鳥下

花明柳暗池亭幽
兩園牛鳴一舟了
三春駟隙千觴酬
肯將僕射易此樂
瀚海飛孤雲正愁



宋百家詩存卷十九